

>> KHAS > COVID-19 > Lebih 22 juta populasi dewasa Malaysia lengkap vaksinasi

Lebih 22 juta populasi dewasa Malaysia lengkap vaksinasi

|| 21 Disember 2021



Gambar hiasan

KUALA LUMPUR - Seramai 22,817,909 individu atau 97.5 peratus daripada populasi dewasa di negara ini lengkap menerima suntikan vaksin Covid-19, setakat 11.59 malam Isnin.

Berdasarkan data Kementerian Kesihatan (KKM) melalui laman CovidNow, seramai 23,123,189 individu atau 98.8 peratus daripada golongan itu menerima sekurang-kurangnya satu dos vaksin.

Bagi populasi remaja berusia 12 hingga 17 tahun pula, sejumlah 86.9 peratus atau 2,736,688 telah melengkapkan vaksinasi mereka, manakala 2,834,774 atau 90 peratus menerima sekurang-kurangnya satu dos vaksin Covid-19.

Sementara itu, sebanyak 145,004 dos vaksin diberikan semalam melibatkan 3,241 dos pertama, 4,325 dos lengkap dan 137,438 dos penggalak.



Jumlah kumulatif pemberian vaksin bagi Program Imunisasi Covid-19 Kebangsaan (PICK) kini meningkat kepada 56,034,257 dos, manakala jumlah kumulatif dos penggalak kini 4,717,084. - Bernama

